



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Beati P. Philippi Nerii Florentini. Congregationis Oratorii Fvndatoris

Gallonio, Antonio

Mogvntiæ, 1602

Septemdecim annorum adolescentem Sacerdotio insignitum noscit
diunitus.

urn:nbn:de:hbz:466:1-43172

*Septemdecim annorum adolescen-
tem Sacerdotio insignitum
noscit diuinitus.*

Eodem ferme tempore adole-
scens quidam Thomas nomine,
annorum circiter sexdecim (septi-
mum enim, & decimum non exple-
uerat) Romam venerat. Hunc pro-
pinqui (quod omnes præter ipsos
latebat) ea etsi ætate non erat, vt
promoueri ad sacros ordines posset,
sacerdotio tamen initiari fecerant,
idq; eo consilio, vt aditum sibi com-
pararent ad luculentam, magnamq;
hæreditatem plus quinquaginta
millibus adeundam aureorum, quã
nullo alio pacto (quòd hæredes se-
cundi erant) nisi Thomas, cui ea
obueniebat, sacerdotalem vitam
amplecteretur, obtinere poterant:
is itaque vbi Romam peruenit, mox
secunda circiter hora noctis ad Bea-
tum Patrem adducitur: qui si mul-
atque illum vidit, sacerdos es, ei di-

xit,

xit, an non ita est? cui Thomas haud
dubium, inquit, id quidem est: sa-
cerdos sum: verum dicis, eiq; cun-
cta exposuit, vt se habuerant. Ea
porrò prædictio admirabilis prorsus
extitit, quãdo quidem is planè igno-
tus erat Philippo adolescentulus,
qui ætatis annum septimum & deci-
mum non excedens, laicorum mo-
re indutus prodibat. Narrauit dein-
de B. Pater Francisco Mariæ Tau-
rusio se Thomæ faciem eo fulgore,
qui è sacerdotali caractere fluit,
splendentem vidisse. Cuius rei, ne
quis fabulosam, aut commentitiam
putet, auctor est idem Franc. Maria
Taurusius Cardinalis Philippi fa-
miliarissimus, qui eandem iureiu-
rando firmavit. Nunc discedam à
rebus à Philippo gestis Paulo Quar-
to Pontifice: sed adiiciam prius hæc
paucula, quæ quoniam quo Ponti-
ficatus anno gesta sint, ignoro, in
extremum locum coniicien-
da fuere.